

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-62/13
Vareš, 28.02.2013. godine

Na osnovu člana 55. Zakona o pravobraniteljstvu („Službene novine Zeničko-dobojskog kantona“ broj 14/08) i člana 60. stav 2. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“ broj 45/10 i 111/12), člana 22. Statuta Općine Vareš- Prečišćeni tekst, broj 01-162/12 od 11.09.2012. godine, Općinsko vijeće Vareš na 5. sjednici održanoj 28.02.2013. godine
d o n o s i :

O D L U K U
o utvrđivanju platnih razreda i koeficijenata za obračun plaća u Zajedničkom općinskom pravobraniteljstvu

Član 1.

Ovom Odlukom utvrđuju se platni razredi i koeficijenti za obračun plaća zaposlenih u Zajedničkom Općinskom pravobraniteljstvu općina Vareš i Olovo (u daljem tekstu: Pravobraniteljstvo)

Član 2.

Plaća se određuje tako da se polazna osnova za obračun plaće pomnoži sa koeficijentom platnog razreda i ukupan iznos poveća na osnovu radnog staža.

Član 3.

U Pravobraniteljstvu utvrđuju se platni razredi i koeficijenti:

I platni razred	Koeficijent - 7,60
II platni razred	Koeficijent - 7,00
III platni razred	Koeficijent - 3,10

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



Član 4.

U platne razrede utvrđene u članu 2. ove Odluke razvrstavaju se sljedeća radna mjesta:

- I platni razred- općinski pravobranitelj**
- II platni razred- zamjenik općinskog pravobranitelja**
- III platni razred- viši samostalni referent**

Član 5.

Stupanjem na snagu ove Odluke stavlja se van snage Odluka o utvrđivanju platnih razreda i koeficijenata za obračun plaća u Općinskom pravobraniteljstvu Vareš broj 01-27/13 od 29.01.2013. godine.

Član 6.

Ova odluka stupa na snagu osmog dana od dana objavljivanja na oglasnoj tabli Općine Vareš, a primjenjivati će se od 01.02.2013. godine.

**PREDSJEDAVAJUĆI
OPĆINSKOG VIJEĆA VAREŠ**

Zdravko Marošević

Odluka objavljena na oglasnoj tabli Općine Vareš 04.03.2013. godine.

OPĆINSKI NAČELNIK

Kovačević Avdija , dipl. pravnik

O b r a z l o ž e n j e
Odluke o utvrđivanju platnih razreda i koeficijenata za obračun plaća u
Općinskom pravobraniteljstvu Vareš

1. Pravni osnov

Pravni osnov za donošenje Odluke o utvrđivanju platnih razreda i koeficijenata za obračun plaća državnih službenika i namještenika u Općinskom pravobranilaštvu Vareš sadržan je u odredbama članka 55. Zakona o pravobranilaštvu Zeničko-dobojskog kantona, kojim je propisano da je polazna osnovica za obračun plaće općinskog pravobranitelja i njegovih zamjenika jednaka polaznoj osnovi za obračun plaće državnih službenika i namještenika zaposlenih u općinskim organima uprave, koju utvrđuje općinski načelnik, te da koeficijente za obračun plaće općinskog pravobranitelja i zamjenika utvrđuje općinsko vijeće na prijedlog općinskog načelnika, kao i u odredbama članka 60. stavak 2. Zakona o plaćama i naknadama u organima vlasti Federacije Bosne i Hercegovine, kojim je propisano da će se odlukama općinskih vijeća o plaćama i naknadama u općinskim organima propisati koeficijenti za izabrane dužnosnike, nosioce izvršnih funkcija i savjetnike u općinskim organima vlasti, s tim da se ne mogu utvrditi veći koeficijenti od koeficijenata utvrđenih u članku 9. ovog Zakona.

2. Razlozi za donošenje

U skladu sa Zakonom o pravobraniteljstvu Zeničko-dobojskog kantona i Zakonom o plaćama i naknadama u organima vlasti Federacije Bosne i Hercegovine, neophodno je bilo pristupiti usklađivanju platnih razreda i koeficijenata za obračun plaća, a sve u skladu sa raspoloživim finansijskim sredstvima u proračunu općine Vareš.

3. Finansijska sredstva

Za realizaciju ove Odluke nisu potrebna nikakva dodatna sredstva od onih koja su osigurana u općinskom proračunu.

Naime, Sporazum o financiranju rada Zajedničkog općinskog pravobranilaštava općina Vareš i Olovo broj 02-119/13 od 05.02.2013. godine koji je potpisan od strane načelnika Općine Vareš i Olovo propisuje da se Općina Olovo obavezuje da će 50% bruto iznosa plaće pravobraniocu i njegovom zamjeniku uplaćivati na račun Općine Vareš po ispostavljenoj fakturi od strane Općine Vareš.

Usvajanjem ove Odluke zapravo će se izvršiti ušteda sredstava na stavci 611110-bruto plaće i naknade plaća proračuna općine Vareš za 2013. godinu.

Predlažem da Općinsko vijeće Vareš usvoji ovu odluku u navedenom tekstu.

PREDLAGAČ:
OPĆINSKI NAČELNIK

Kovačević Avdija, dipl. pravnik